



Broj: 11-04-38-sl./18
Sarajevo, 29. 3. 2018. godine

SVIM OSNOVNIM ŠKOLAMA NA PODRUČJU KANTONA SARAJEVO

n/r direktora/direktorice

PREDMET: Interna evaluacija i eksterna procjena znanja u osnovnim školama, informacije, dostavlja se

Cijenjeni/Cijenjena,

u skladu sa članom 24., stav 8 i 12 Zakona o osnovnom odgoju i obrazovanju („Službene novine Kantona Sarajevo“, broj: 23/17, 33/17), u školskoj 2017./2018. godini će se provesti interna evaluacija i eksterna procjena znanja učenika osnovnih škola.

Vijeće roditelja učenika osnovnih i srednjih škola Kantona Sarajevo se obratilo Ministarstvu za obrazovanje, nauku i mlade Kantona Sarajevo inicijativom da se učenici, koji u školskoj 2017./2018. godini pohađaju 9. razred osnovne škole i učenici koji pohađaju 4. razred srednje škole, izuzmu iz učešća u internoj evaluaciji koja će se provoditi u svim osnovnim i srednjim školama na području Kantona Sarajevo,

S tim u vezi Ministarstvo za obrazovanje, nauku i mlade Kantona Sarajevo je podržalo inicijativu Vijeća roditelja učenika osnovnih i srednjih škola, tako da učenici 9. razreda osnovne škole i 4. razreda srednje škole u školskoj 2017./2018. godini neće biti obuhvaćeni internom evaluacijom.

U toku je provođenje aktivnosti na donošenju Pravilnika o internoj evaluaciji i eksternoj procjeni znanja učenika osnovnih i srednjih škola Kantona Sarajevo, koji će biti proslijeđen blagovremeno svim školama.

Ministarstvo za obrazovanje, nauku i mlade Kantona Sarajevo će u aprilu i maju 2018. godine realizirati internu evaluaciju znanja učenika drugih, četvrtih, petih, sedmih i osmih razreda osnovnih škola iz određenih nastavnih predmeta, u terminima koje Ministarstvo dostavi školama, a u trećem i šestom razredu realizirat će se eksterna procjena znanja iz nastavnih predmeta Bosanski, hrvatski, srpski jezik i književnost, Matematika i prvi strani jezik u terminima koje dostavi Ministarstvo.

Interna evaluacija se provodi u školi koju učenik pohađa i realizira se anonimno.

Rezultati interne evaluacije se ne ocjenjuju i ne ulaze u zaključnu ocjenu iz predmeta niti imaju uticaj na opći uspjeh učenika.

Eksterna procjena se provodi po modelu eksterne mature u saradnji sa EMIS koordinatorom škole. Rezultati eksterne procjene također neće utjecati na zaključnu ocjenu.

Ovom prilikom želimo istaći da je cilj interne evaluacije i eksterne procjene znanja sistemsko unaprijeđenje odgojno-obrazovnog procesa.

U prilogu ovog dopisa Vam dostavljamo termine i spisak nastavnih predmeta za provođenje interne evaluacije u osnovnim školama, kao i termine za provođenje eksterne procjene znanja.

S poštovanjem,

Dostavljeno:
- Naslovu



MINISTAR

Prof. dr. Emir Kazazović



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128; Fax: + 387 (0) 33 562-218
Sarajevo, Reisa Džemaludina Čauševića 1



TERMINI ZA PROVOĐENJE INTERNE EVALUACIJE U OSNOVNIM ŠKOLAMA

Razred	Dan	I sedmica 16.4. - 20.4.	II sedmica 23.4. - 27.4.	III sedmica 7.5. - 11.5.	IV sedmica 14.5. - 18.5.	V sedmica 21.5. - 23.5.
VIII	Pon.					Tehnička kultura
	Uto.			Geografija		
	Sri.				Biologija	
	Čet.		Hemija			
	Pet.	Likovna kultura				
VII	Pon.				Informatika	
	Uto.	TZO				Grad.obrazovanje
	Sri.		Fizika			
	Čet.	Historija				
	Pet.			Muzička kultura		
V	Pon.	Priroda				
	Uto.				Kultura življenja	
	Sri.					Drugi strani jezik
	Čet.			Osnove tehnike		
	Pet.		Društvo			
IV	Pon.					
	Uto.		Likovna kultura			
	Sri.	Moja okolina				
	Čet.					
	Pet.			TZO		
II	Pon.		Muzička kultura			
	Uto.	BHS				
	Sri.					
	Čet.					
	Pet.					

TERMINI ZA PROVOĐENJE EKSTERNE EVALUACIJE ZA OSNOVNU ŠKOLU

RAZRED	DAN	4.6.2018. - 8.6.2018.
III	Ponedjeljak	BHS
	Srijeda	Prvi strani jezik
	Petak	Matematika
VI	Ponedjeljak	BHS
	Srijeda	Prvi strani jezik
	Petak	Matematika

